

Qourbaani

Qourbaani li wajib (obligatoire) essentiellement lors ene dimoune ki ena le moyen. Ene dimoune ki ena le moyen veut dire ene dimoune ki ena dans so possession la somme de trente mille roupies couma li été actuellement pour l'année 2014 ou ça valeur-là dans n'importe ki forme apart so banne nécessités de base et so banne dettes.

La caze, l'habillement, moyen transport, z'outil travail et mangé boire c'est banne nécessités de base pou ene dimoune. Quand ene dimoune ena la somme ou la valeur de 30 mille roupies dans n'importe ki forme ki dépasse so banne nécessité de base et so dettes, alors en principe li bizin faire Qourbaani si li sain d'esprit, majeur et li pas en voyage.

Ça veut dire ene dimoune ki ena le moyen mais li en voyage, alors Qourbaani pas pou wajib lors li. Coumsa même ene zenfant mineur perna pou faire Qourbaani même si li ena la monnaie. Si ene mama ou ene papa oulé faire Qourbaani de coté so zenfant, li ena droit faire li. Mais li bizin faire li avec so propre la monnaie. Li pas gagne droit servi la monnaie ça zenfant mineur-là. Dans la même façon, Qourbaani pas wajib lors ene dimoune ki so la tête pas bon même si li riche.

L'age banne zaimo Qourbani

Si nou faire Qourbani avec grand zaimo couma taureau, bœuf etc. alors li bizin ena **deux** ans. Si fine faire Qourbani avec ene ki ena moins ki deux ans, alors Qourbani pas pour compté.

Ti zaimo couma bouc cabri mouton bizin ena ene banané. Si jamais ene mouton de plis ki six mois li assez portant ki faire li paraite couma ene an alors sa aussi li pour permette. Ca exception-la li applique pour **mouton** seulement.

Attention !!!

Bizin guette bien quand ou acheté poulet. Le certificat halal de JUM li applique pour poulet frais seulement. Li pas applicable pour poulet congelé. Pas blié dimane poulet frais quand ou acheté dans banne place ki ena nou certificat.



JAMIAT-UL-ULAMA of MAURITIUS
Cnr. Penang & Sumatra Street, Port Louis, Mauritius,
Tel: 240-0439 / <http://www.jamiat-ul-ulama.org>
Emails: jamiat@intnet.mu / jamiathalal@myt.mu

